



# КОМСОМОЛОНЬ ВАЙГЯЛЬ



## Сяда вяри стахановской движениять знамянц

Мокишэрзянь республикань сембе рабочайхненди и работницать неньди, колхозникненьди и колхозницатьненьди

„Центральная—Ирмино“ шахтась—стахановской движениять колыбелец. Тоса, Донбасса, августь 31-це шинь карша веть шась стахановской движениять оцю производительностенкса, техникать педа-пес использовандаманц инкса, конань мархта минь странаньке кемокстазе социалистической промышленности, транспорт, велень хозяйствать.

Шахтерть Стахановть мельгя—кузнець Бусыгинь, машинисть Кривоноссь, обувщикь Сметанинь, ткачихатьне Виноградоватьне. Синь васенькексь няфцть стамонь образец, кода и мезе эряви таргсемс техникать эзда. Стахановть мельгя тусть кеметть, сядот, тьожатть..

„Стахановской движениясь няфнеси минь индустриянькень будущностец.. Сон кирьди эсь эсонза рабочай классть будущей культурно-технической под'емонц зернанц.. Сон панчесы тейнек ся кить, конань лангса аныек и ули кода сатомс трудонь производительностень сят инь оцю показательнень, конат эрживить социализма коммунизма йотамати и умственной трудть и физической трудть йоткса противоположностень машфтомаснонды“ (Сталин).

Колма тьожатть инь цебярь стахановец ульсть аф кунара эсь васеньке Сембесоюзной совещаниясот.

Тоса, трибунаста синь корхтайть родинати любовьсон колга, эсь великай учительсон—мудрай Сталинть колга.

И Стахановсь, и Никита Изотовсь, и 17 кизоса Курьяновсь, Куйбышевской крзень рабочайсь, и сире ткачихась Лысяковась—сембе синь корхтайть:

— Минь воспитандамазь и вятмазь Ленинонь—Сталинонь партиясна, партиясь минь тиемазь счастливай ломанькс, вии Советской державань переловой гражданкс.

—Эрямс арась сяда цебярь. Эрямс а р а с ь сяда весяла. А мзярда весяласта эрят, работаське лац моли (споритсь),—мярсьсь вождьсь.

И теенза, великай Сталинти, Саранск ошень промышленностень минь стахановецень слетоньке радостнай, павазу эряфонкса кучси седи вакстонь спасибо.

Минь тани ошень сембода знат-

най ломаттяма. Минь колганок корхтайхть предприятиянь эса, минь колганок сьормады печатьсь.

Но кода корхтай Алексей Стахановсь, Америкать минь, конешна, изеськ, паньчсее.

Минь методоньке простой: рабочай вастть, и аф аныек рабочай минутнень, но и секундатеень юмафтомаснон каршес тюремать правильнайста организавандамац. Эрь рабочайсь, кда тьянь тийсы, лисеньди ладяф норматнень эзда.

Вов мес Петр Никаноровсь, махорочнай фабрикань токорсь, колма шинь вастс кярсесы вальт фкя сменаца. Вов мес работницась Тюринась котониннай фабрикса кармасть работама аф ниле, а кафкса станок лангса. Вов мес работницась Головановась кафтонь крда пышкоськшнесы типографской знаконь качкама нормат. Вов мес Галина Тихоновась работай тани аф фкя, а колма полуфинишер (мушконь сеендема машина) лангса. Вов мес стахановецекс арамок, минь кафтонь, колмонь крда касфотськ работань питьненьконь.

Корхтайхть, што машинатне могут капризничендамс. Аф виде! Кда содасак цебярьста машинат, станокть,—оцюста касфцак производительность.

Эряви кельгомс эсь тевце, эряви кельгомс эсь машинаце. И аф случайна, што минь слетсонук ломаттнень ламосна максозь технической экзаментть, мезе и лездсь теест курок арамс стахановецекс.

Странатъ технической осношенностец—тя васендакиге минь родинаньконь вии шиц,—тя трудяйхнень благосостояниясна и, техникать содаманц вельде минь родинаньконь трудяенза вишькста молихть зажиточнай, культурнай эряфти.

Честнайста работаць стахановецекс ули кода арамс эрь рабочайти.

Минь терьнесайнзк Мордовиянь социалистической промышленностинь сембе рабочайхнень, совхозонь и МТС нь рабочайхнень и трактористтнень максомс, кда кармай эрявома, „саворня пей ланга“ сятненьди, кие путни пер'фкст и шьоряфкст (преградат) стахановской движения келептемаса кить ланкс. Ладык эсь работацень станокть

ланкса станя, штоба ванды азомс: мон—стахановецан! Тя ули ответ тевса вождьть реченцты стахановской движениять колга.

Минь честень тевоньке—срокта инголе пашькодемс Мордовиянь промышленностть программанц, срокта инголе пашькодемс омбоце пятилеткань плантть.

Атяшевонь районца колма полеводческой бригадат путозь—сывомс гектарста 18 центнерхт сьора.

Оцю урожаень местерсь—тя тьяфтама жа стахановец. А штоба арамс тьяфтама мастеркс, эряви кельгемс модась, эряви кепсемс модань эрь участкть плодородиянц, конац кемокстаф колхозти вечнай пользованияс.

Минь тернесаськ сембе колхознай бригадатнень отвечамс вождьть реченцты станяжа, кода отвечастъ Атяшевской райононь полеводческой инь цебярь бригадатне.

Оцю урожайхненьди кись муфни: сонь музе орденоносецсь Мария Демченкось—Киевской обласьтень колхозницась.

Советской Союзонь народтнень и сембе международнай пролетариатъ гениальной вождьсон Сталин ялгать реченц мархта кепольф (вдохновляндаф) Мордовиянь стахановецне кармайхть касфтомост (множить) эсь сатфксон и сатнема трудонь оцю производительностъ социалистической стройкань сембе участкатнень эса. Коммунистической партиять руководстванц ала кельгома и мудрай Сталинть мархта стахановецнень рядсна арайхть цебярьста организовандаф трудонь лама миллионнай армиякс.

Катк бешакадкшнихть Советской Союзть вяронь сими врагонза, конат аноклайхть преступнай нападение социалистической родинат лангс, минь ряднеке аф шерьхкозевихть (не дрогнут) и минь, кода фкя, грознай минутаста вии лавинакс срафцаськ врагтнень, кода ба синь афольхть комотье (кичинда), кодама ба виихть синь афольхть уль.

Карматама работама Стахановть ладса! Эрямс арась сяда цебярь! Эрямс арась сяда весяла. Работаське лац моли (споритсь).

Чудеснай минь пингеньке! Павазу минь эряфоньке.

Ошень стахановецень слетсь

## Мезе шьорьск ТЭЦ-нь стахановецненьди

Сталин ялгать стахановецень сембесоюзонь васеньке совещанияса азф валонц ванондоманц колга пуромкссь тепло-электроцентраляса (ТЭЦ са) панжесвь Ярославской ялгать вступительнай валонц мархта, кода сон азондозе вождьть реченц исторической значениянц и сембода оцю маяль шарфть Сталин ялгать указаниязон эряфс йотафтомаснон лангс.

Егунов ялгась (котельнай мастер) докладть коряс пренияса азозе, што дирекциясь и инженерно-технической работникне аф максихть практической лезкс стахановской движениять касфтоманцты. Аф ТЭЦ-нь директорсь Ильменев ялгась, аф инженерхне и техникне, аныек директорть полафтыдонза Домбровской ялгада башка, аф няфнихть пря производственной совещанияс и рабочаень и служаень марстонь пуромкссь.

—Минь улихть стахановецекне,—корхтай токарсь Шумилов ялгась,—но синь ашихть люпштафста. Мон работан 35 кизот, мон оцю производственной стажзе. Теплоэлектроцентраляса мон сконструировандань котельнай трубанди шарашеконь а котелонь монтаженди кода ужеса болтонь кярсема станок. Нормань коряс 7 часонь пиньгста эряви лаксемс 50 шарашек, а мон тя станокть лангса лаксекшнян 100 и шити получандакшнян 40 цалковайхть. Болтонь кярсемань колга мон заданиять пашькоськшнеса 200 и сяда лама процент. Механизировандамс улихть кода и лия станокневок, но тьянь эса тейнек инженерно-технической работникне лезкс аф максихть.

Карпушкин ялгась (механической цехть начальникоц) азозе, што народть вождени Сталин ялгать валлоц кеподезе ТЭЦ нь рабочайхнень энтузиазмаснон.

—Рабочайхне шарьхкодезь,—корхтай сон,—што станя работамс, кода работама сяда инголи (раньше) кирьфаф нормань коряс,—аш кода. Но бедась сян эса, што тепло-электроцентраляса лама нинге аф сатыкста. Кеподьксоньди, котельнай цехса вальматнень эса аш глянцть, апац петть кенкшне, цехса урдас и якшама Минь, кода правила, аш нормань расценканькя. Кда инь маластонь пингть ТЭЦ-нь администрациясь машфцыне нятаф сатыкснень, то стахановской движениясь минь тьяса примай кели размах.

Щетинин ялгась (слесарь) азозе, што мастерскойса ламода аф сатнихть металлонь кярсема слесарнай пилатьне, ножевкатне и материалхне.

Трофимов ялгась (снабжениянь начальникоц) азондсь автопаркть работанц колга. Торфонь ускси 16 грузовикнень эзда работайхть аныцек пясесна, а лиядыхне ашихть апац петть, сяс мес аш аккумуляторхт и теест запасной пялькст.

Пренияса корхтайть и лия рабочайхтьке, конат тьяфтама-жа няфнест лама афсатыкст, конат шьорьсихть Тепло-электроцентраляса стахановской движениять касфтоманцты.

## 22 тьожань банка сменати

Мамаевась—эрянь стирня, работай консервной комбинатса: сон комсомолка—активистка. Васенда сон работась Игнатовской райисполкомса секретарькс.

Тягень кизотъ сон сась Саранскли работам. Мольт ВЛКСМ нь обкому, кода и кучезь сонь работама консервной комбинату.

Сон сась велеста, мзярдонга изьнянде машинат. Сонь путозь ра-

ботама машинас. Васенда ашезе сода мезе работама, кода ушедома работась, кода кярмодемс.

Синь фкя машинаса кармасть работама колмонест, кармасть йотама техминимумть, конанц сон йотазе и максозе на „отлично“.

—Нормась максф тейнек 11 тьожань банка консерва—корхтай Мамаева ялгась,—минь макссеме

14 тьожань банка.

Тяниень пингть синь макссихть 23 тьожань банкат.

—Можна максомс 25 тьожань банкат,—корхтай Мамаевась,—аныцек эрьсихть лоткафкст электростанциять и мяскокомбинатъ сьонзда, сяс мес, кода аш электроэне ргия то аш сивольга.



## Счастливай од ломанень конференция

Ноябрь 25-це шистонза шовдава, ранакиге ВЛКСМ нь райкомонь работникне пуромсть райкому. Сембонь улсь фкя мяльснь, штоба сяда цебарьста васьфтемс производста, колхоза районнай стирьнянь и од авань васеньце конференцияв сай инь цебарь ударницатнен-делегаткатнен. И теваь аф аныцек конференциянь делегаттнен васьфтемаснон эса, но эряви и цебарьста йотафтомс конференциясь. Делегаткатне кармасть сашендома. Васендакиге автомобилс састь „Дубитель“ заводста делегаттне, а сяда меле и лия производстватнен и колхознен эзда.

Конференцияв сась 80-шка мокшень стирьнят и од ават, а сембоц пуромсь сяда ломаньда лама.

Клубсь урядаф лозунгса, вожденеконь портретснон мархта, панчфа и ст. тов. Лиякс азомс аноклафоль стая, кона кепсезень ломаттнен мяльснон сянь ингса, штоба сяда деловйста, цебарьста йотафтомс конференциять.

Конференцияв састь, ВКП(б)-нь райкомонь секретарсь Котелев ялгась, райисполкомонь председательсь Тепаев ялгась, ВКП(б)-нь райкомонь секретарь полафтыец Караушев ялгась и районнай организациянь лия руководителхт. Конференцият работанц ушедомодонза инголе синь корхнесть конференциянь делегаттнен мархта. Кизефнезь кода теест макссхит лезкс вельсоветонь председателхне, партийнай и комсомольской организациятне. Кода йотафнесазь эсь пиньгснон, цебарьста ли работайхт клубне, морафтома кудтне, якстерь уженатне и ст. тов.

Обедта меле 3 частста ушедозь конференцият работанц. Конференцияса кулхондфоль кафта докладт, кафцька мокшень кяльса. Райисполкомт председателец Тепаев ялгась, эсь докладсонза корхтай, што: „улихт пяк лама афсатксоныке, сембода пяк сянь эса, што минь нинге пяк лафчста выдвигаем стирьнятнен и од аватнень руководящай работас Тячимс минь районцонок ашт-фкявок стирьня и од ава вельсоветонь председател, бригадир и ст. тов“.

Колядин ялгась тись доклад ВЛКСМ нь ЦК-ть решенианц пашкодемани колга, стирьнятнен и од аватнен йоткса комсомолт работань колга. Сон эсь докладонц эзда оцю пяльксть занязе пятисотницатнен Мария Демченкот и лия героинятнен колга корхтама. Тяда меле сон шарфтьс президиумт шири и шарфнесыне делегаттнен мяльснон президиумса ащи стирьнятнен и од аватнен лангс;

— Вов, — корхтай, — тьса председательствующайс Чадайкина ялгась, инь цебарь ударница. Сон улсь ударник-колхозниконь краевой омбоце с'ездса делегаткак. Каралева ялгась райононь васеньце стахановкась, кона цебарьста тонадозе производствань техникут, Ширингушской суконной фабрикаса работай, 1929 кизот эзда савомок.

Сяда тов Колядин ялгась кемоста критиковандась лама первичнай комсомольской организацият, стирьнятнен и од аватнен йоткса синь калдывста работамаснон инкса. А станяжа райкомт калдыав работанц, кона тя пингс пяк аф сатомшка пашкодъкшнесь ВЛКСМ-нь ЦК-ть путфксонц.

## СТИРЬНЯТНЕ ЭСЬ КОЛГАСТ

### Пяшкодъсан эсь нормазень 160 процентс

А. А. КОРОЛЕВАСЬ

Ширингушской фабрикань стахановкась

— Фабрикавь самода инголе, лиякс азомс 1929 кизоть самс, — корхтай Королева ялгась, — мон улень аф грамотнай стирьнякс, мезевок ашень сода. А мялезе пяк оцюволь сяньди, штоба арамс грамотнай ломанькс.

1929 кизот эзда мон ушедыне лиякс эсь эряфозень. Тя кизоня мон ушедонь работама ширингушской фабрикаса — ткачихакс. Васендакиге призень марьяне аф сембе ширьда цебарьста, сучендань, ашель кивок знакомаезе. Фабрикаса сембе аф знакомай ломатт. Но курок монь содамазь, монга сембонь содайна и кармань улеме пяк давольнайкс эсь работазень мархта, кельгине эсь работазень.

Аф лама пингта меле монь примамазь комсомолу, и примамазь ни кода од стирьнянь — ударницань. Тяда меле мон кармань работама нинге сядонга цебарьста. Ков сяда цебарьста работакшнень, тов сяда оцюста касонц авторитетозе рабочайхнень и дирекцият инголе. Ушедонь тонафнеме, кармань якма техкружоку. Тонадомок техни-

кать, кармань работама нингесядонга цебарьста. Государственной технической экзаментт мон максыне „отлично“ оценокса. Производственной программазень пашкодъкшнине 108—112 процентс.

Тяни мон йотань стахановской методса работама. Кда тяда инголе работань кафта станок лангса и нолян 40 метрат материал, а тяни йотань работама колма станок лангса и нолян 60 метрат материал. Монь тяни фабрикасонок лувонцамазь стахановкакс, но мон тянь лангс аф лоткен, мон карман нинге сядонга цебарьста работама. Мон макссян обязательства, пашкодъкшнемс эсь работама норма, зень 160 процентс, нинге сядонга цебарьста тонадомс техникут. Работаста атак тушендт касфтомс сьормас содама шизень 7 леткань размерса. Комсомольской политшколаса тонафнемс на „отлично“! Мон тиеньдянь сергытькс сембе стирьнятненди од аватненди, арамс инь цебарь ударникакс сембе в а с т о в а кося и кодама работаса афолень работа.

### АРАНЬ ПОЧЕТНАЙ ЛОМАНЬКС

ЩУКИНАСЬ

Стройкомбинатонь работницт. уда.ница

Тейне 19 кизот. Сире эряфть аф мяляфца. А кда и содан кой-мезе сире каторжнай эряфть колга, то аныцек алязень азондоманзон коряс. Сире эряфть пиньгста минь семьянке эрясь пяк кяльдывста. Аф ваномок сянь лангс, што алезе и тярязе шинек-венек работакшнесть козятнен лангс, сембе сяка топочьта изесть эря, нльня кшида мзярдонга топодемс ашесть ярхисе.

Аныцек Советскай властсь, лифтемась минь вечнай нужать эзда. Тяни мон работань стройкомбинатса 1930 кизот эзда савомок. Васендакиге работань чернорабочайкс, станокнен алда урядакшнине опилкаттнен и ст. тов. Сяда меле 1934 кизоня монь йотафтомазь работама станокс. Тонадомок цебарьста эсь работазень техниканц, тяни мон арань квалифицированной работницакс. Работань цебарьста,

старандан аф аныцек вельф пашкодемс выработкань норматнен, но и макссян цебарь качества продукция. Рамать лангс выработкань нормась фкя сменать пиньгста 30 кубометрат, а минь рамшикт Кучкановть мархта, 30 кубометрат вастс тиеньдьяма 43 кубометрат.

Цебарь работанкса мон ламоксть казфолень, аф кунара сьормадомась почетнай ломанень отличниконь краевой почетнай книгав. Аф кунара сувань комсомолу, тяни ашан комсомолкакс. тятдень кизоня якань и аделаине ликпунктть; машфтыне сьормас аф садама шить.

Макссян вал, што карман работама нинге сядонга цебарьста и терьнесайне сембе стирьнятнен, штоба работамс сяда цебарьста, улемс инь цебарь ударникакс производстваса и колхозса.

### Карман работама ниньга сяда цебарьста

Н. ШАНДИНАСЬ

„Ленинонь Кига“ колхозса ударницась

Тейне 16 кизот. Мон работань МТФ-са. Тийнь 227 трудши, лиякс азомс, сяда лама оцюфнень вакста. Од Потьмань „Ленинонь кига“ колхозса лувондован кизос коря сембода од ударникакс.

Кой-кона аватне марьямок сянь колга, што монь лама трудшидон, кяжиякшнесть лангозон, сянь инкса мес монь колхозса лувонцамазь ударникакс, а мон теест видеста корхнень, што кие теенть изь марьге работамс сяда цебарьста, эряволь работамс станя, кода

мон. Но синь корхнемасна лядсть аныцек шава валкс, сяс мес нят корхнихнень аныцек 100 а-то и тяда кржа трудшина. Мамазень станяжа лама трудшинза. Колхозонь правлениясь цебарь работанкса мамазеньге кемокстазе ударникакс. Тятдень кизоня тиф трудшинкеня инкса получаме лама сьорода. Эрятама цебарьста. Сембода вярде азфга башка мамазе и мон получаме почетнай лемт — ударницат. Карман работама ниньге сядонга цебарьста.

### Ингольпялине улян отличница

А. А. ПИНЯСОВАСЬ

Педтехникумонь студентка

Мон нинге йофсикс йомляняста ушедонь тонафнема. Нинге сельскай школаса тонафнемстон учителсь тейне корхнесть; што „тонь пяк оцюфт способностьтне, тейть эряви тонафнемс“. Школаса мон улень инь цебарь ученикакс. Но мамазе васенда лангозон кяжиякшнесть, аф весть тиенць упрект. „Сембонь идьсна кода идть, а тон кати мезят“. Моньценць улсь фкя мелезе — тонафнемс, а мзярда, улян сяда оцю и сяда грамотнай, эста теенза сембонь, азонца и сон шарьхкодъсамань. И виде, мзярда мон тонафнень 6-це группаса мон мамазти ламоксть кайгиста морафнень газетат и книгат. Морафнемада меле мамазе мекляли шарьхкодъзе, што тейне аф грамотнайкс, кода сонць, лядомс аш кода, и тяда меле аф аныцек сюемере, а меки лангт, кармась заботендама, штоба эрявикс пингста молелень школав, штоба афолень позданда и ст. тов. Тейне тяни 18 кизот, мон тонафнян педтехникумса и 1936 кизоня аделаса техникумт, 1934 кизоня сувань комсомолу. И вов мзярда молень эсь родной велезон М. Полянав мамазень шири, мон лама шит ашине азончне мамазти, што мон сувань комсомолу — арьсемок эсь пачкан, кяжияфца, кда тянь колга теенза азса. Но теваь лиссь йофсикс лиякс, кда мон азыне теенза, што сувань комсомолу, сон мярьгсь, што тя пяк цебарь тева, и сяда тов корхтай: „мон тяни шарьхкодине, мезе тон аф тиеньдят сембе тя пяк цебарь и эрявикс тева“. Техникумса мон ашан отличникакс, тонафнян цебарьста. Лама работань общественной работаса; ВЛКСМ-нь комитетонь членан, профкомт председателецан, оцю лезкс макссян ялганьди сянь инкса, штоба инь афолх уль калдыав отметкасна. Тяфтама цебарь эряфть максозе тейнек партиясь — великай мудрай вождьсь Сталин ялгась.

### ТОНАФНЯН МОНЬЦЬ И КАРМАН ТОНАФТОМА ЛОМАТТЬ

Н. И. НУШТАЕВАСЬ

„Красный Октябрь“ колхозонь ударница

Пяк кенярьден мзярда монь кочкамазь стирьнянь и од авань районнай конференциянь делегатокс. Тяфтама оцю пуромксса вестевок ашелень. Тя конференцияв монь кучемазь, кода инь цебарь ударницат. Тятдень кизоня тиень 245 трудшит, эста кода „Красный Октябрь“ колхозсонок лия аватне тисть самай ламось — 100 трудшит.

Тятде мон сувань комсомолу. Тяда меле мон шарьхкодине, што эряви работамс нинге сядонга цебарьста. Тяфтама вал мон максонь комсомолонь пуромксса, мзярда примамазь комсомолу. Тя максф валть пашкодъса тева. Мон аделань 6 группат.

Тялонда карман тонафнеме кафта-колма колхозницат сьормас содамат!



## Шарфтомс мяль комсомольской пуромкснень лангс

ВЛКСМ-нь ЦК-ть пугфскоц, коса сон азондозень аф сатыкснень Москувонь 3 заводской комитетт нень эса комсомольской пуромкснень организовандамаснонь и йотафтомаснон колга, нинге изь ара работамань программакс минь кой-кона первичнай комсомольской организациянеконьди, и синь изезь шарьхкодь сянь, што комсомольской пуромксне кирьдихть пяк оцю значение комсомолецнень идейнай уровеньцонн касфтомаса и организациять активнай эряфонзонза синь сувафтомасост.

Кепетьксоньди ули кода сявомс МВКСХШ-нь комсомольской организациять. Тяся, сянь вастс, штоба одукс тиесм эсь работаснон, ВЛКСМ-нь ЦК-ть XI-це пленумонц решениянзон коряс, штоба сембе работат нолдамс комсомолецнень воспитандамаснонды, комсомольской организациясь эсь пуромксонзон эса, шинь повесткаса главнай кизефксоск путнесыне учебно-производственной плантть пашкодёманц колга кизефкснень.

Организациясь работань вятема планц тийф аф комсомолецнень анафксонн коряс, пуромксне йотафневихть калдыаста, аф организованныста, решенияне лихневихть аф шарьхкодывиста. Комсомольской пуромксне аф пашкодькснесазь эсь основной рольснон комсомолецнень аф тарксесазь эсь организацияост эряфонь кизефкснень разрешандама, и аф лездыхть комсомолецнень политическай содамашиснон касфтомаснонды, сяс комсомолецнень эзда пуромксу якяхть 80—85 процент, ламоц познандакшнесазь 40-50 минутас, регистрациянь журнал аш, регистрация аф вятневи. Лихтьф решениятнень пашкодёмасна аф ванондовихть, аф пашкодьксневихть, виновнайхнень колга, комсомольской пуромкснень эса кизефкст аф путневихть.

И аф случайна, што вышестоящай организациятнень мархта лихтьф решениятне аф арсихть

законкс комитетты. Кепетьксоньди: комсомолонь 3-це с'ездса Ленинонь реченц проработканц колга, ВЛКСМ-нь обкомсь макссесь указание, што: „Ленинонь реченц комсомолонь 3-це с'ездса эряви лувозь лувомс“, а комсомолонь комитетсь тийсь эсь ладсонза, мусь докладчик, конац корхтась военнотехнической экзаментть колга, „ворошиловской стрелоконь“ значеконьди нормань макссесать колга ист. тов. Нльне президиумсь, секретарьсь сьормады протоколса, „Ленинонь реченц проработкац комсомолонь ЦК-ть 3-це пленумсонза“, а комитетонь секретарьсь Ежовсь, апак вантт ся протоколть сявозе и стаза тевс комитетонь протоколхненьди. Тя корхтай сянь колга, што ВЛКСМ-нь ЦК-ть решенияц комсомольской хозяйствать колга, комитетть и сонь секретаренц Ежовть мархта апак шарьхкодть, а кда шарьхкодф, то аф пашкодьксневихть.

Аф аныбек комсомолецне аф содасазь мзярда эряихть союзнай шитне (конат уленьдихть 9-це шинь эрь ковне) но нльне комитетонь четлетневок (Дрожжинсь, Кугрышевсь) аф содасазь мзярда синь эряихть. Сембе вярэ азф, афсатыксне, комитетти эрявихть инь курок машфтомс, эрявихть цебарьгофтомс пуромкснень качества, ладямс определенной шит, мзярда йотафтомс пуромкс. Комсоргине ламода пуромкста инголе должны анокламс тя пуромксти, йотафтомс беседа комсомолецнень мархта, кодама кизефкст эрявихть путомс, кодапт синь интересовандасазь ист. тов.

Комсомольской пуромкснень эса эрявихть кочкемс кизефкст студенческой од ломаттнень воспитанияснон колга, внутри союзнай работат колга.

Аш месь корхтамска, кда ВКСХШ-нь комсомолонь комитетсь кемоста кярмоди ВЛКСМ-нь ЦК-ть решениянзон пашкодеме, кармай улеме цебарь организациякс.

Т.

## Пионерхнень и школьникнень йоткса социалистической фкя-Фкянь йотамать бюрократической извращандакшнемаса факттнень колга

ВЛКСМ Центральной Комитетть пугфскоц

ВЛКСМ-нь ЦК-сь лувонцы установленнайкс, што кой-кона пионерской организациятнень и школатнень эзга извращандакшневикихть идьтнень йоткса цебарьста тонафнемать инкса социалистической фкя-фкянь йотамань принципне. Кой-кона педагогне и вожатайхне мярьгоньдихть тонафнихненьди, пионерхненьди и нльне октябрятненьди обязательна сьормачнемс стандартнай „соцдоговорхт“ и „обязательства“. Ня „соцдоговорхнень“ эса, кода, кепедьксоньди, Харьковонь 20-це школаса 6-це классонь тонафнихнень дэговорста, лувондови 14-нь и сяда ламонь пунктт и кодама задачат пугневихть уставной требованиятне, конат тяфгаконга эрявихть пашкоднемс, кода: „каннемс якстерь галстук“, „вежливайста обращандакшнемс педагогне мархта“, „аф синнемс партатнень“ и ст. тов.

Сянь вастс, штоба пуроптомс лезкс фталу лядонды тонафнихненьди васендакига педагогне ширьде, лама школава и отрядга пуропневихть кода корнхихть „соцбуксирхт“, конат веляфнесазь фталу лядыхнень мархта работат отлична тонафнихнень лангс. Тянь мархта синь аф макссихть нят отличникненьди нормальнайста ваймамс йотка и эсь содама шиснон касфтомаснонды возможность.

ВЛКСМ-нь ЦК-сь мярьгоньди комсомольской организациятненьди, комсоргненьди и вожатайхненьди машфтомс социалистической фкя-фкянь йотамань ня бюрократической, эсь мархтост думандиф форматнень.

Мярьгомс „Комсомольская правда“ и „Пионерская правда“ газетатненьди инь цебарь отрядтнень и школатнень примерснон лангса няфтемс кода эряви пуроптомс цебарьста тонафнемать инкса пионерхнень и школьникнень социалистической фкя-фкянь йотамаснон.

ВЛКСМ-нь ЦК-ть секретарец С. САЛТАНОВ.

## СТОЙКАЙ БОЛЬШЕВИСТСКОЙ КАДРАТ

1935 к. декабрь 1-це шистонза Саранскаень ВКСХШ са ульсь омбоце выпусксь. Нолдаф 21 стойкай кадрат. конат аделазь колма кизонь отделения и кучсевичхть мокшэрзянь республикат эзга ответственной партийнай работас. Выпускникне сембе тонафнесть цебарьста, сембонь отмекасна пятеркат. Тяфта жа синь цебарь общественник. Кепетьксоньди отличниксь И. И. Киньць сембе дичьгс ВКСХШ са тонафнемста апак полафнек работась стенгазетань редакторкс. Цебарьста тонафнеманкса сон ульсь нилексть казф. Омбоце отличниксь Бекшаевсь, тяфта жа

ульсь аф весть казф Колмоце отличниксь Данкин ялгась, сон комвузса тонафнемстонза (мяк нолдамозонза) ульсь профкомонь председателксь; лувондовсь сембодонга цебарь тонафникс и общественникс.

Нят отличникне кучсевичхть партийнай работас. Мокшэрзянь ВКП(б)-нь обкомсь и МАССР правительствас надьямок ня нолдаф кадратнень лангс путни синь инголест ответственной задачат и веши, штоба синь сембе уликс содама шиснон нолдалезь тевс эсь практической работасост.

Меликов

## Кой-кона райкомт нень работань стильсна

Тюрькин.

Мокшэрзянь республикат эзга ВЛКСМ-нь лама райкомонь бюротнень заседаниянь протоколснон ванондомок, коса няфневи ВЛКСМ-нь нят райкомтнень работань стильсна, няеви, што кой-кона райкомтне пяк формальнойста шарфнихть мяль тевть лангс, оцю васта заньци руководства общностьсь, администрированиянь элементтне и ст. тов., а тьяконь мархта и ашезь лада эсь работаснон ВЛКСМ-нь ЦК-ть X и XI-це пленумонзон решенияснон коряс.

Тяся кепотьксоньди а р с и ВЛКСМ-нь Шайговань райкомсь, конац кизефкснень тиесаснонды нежечни формально-бюрократически, ноляй аф нолдавоншка небрежность, общность, аф конкретность, афграмотнай ши райкомонь протоколхнень сьормадомасост а сяс и тянь эзда первичной комсомольской организациятне аф лац шарьхкодькснесазь внутрисоюзнай работань кизефкснень, Кепотьксоньди: ВЛКСМ-нь Шайговань райкомть бюронц октябрь 26-це шистонь 1935 к. 20-це № протоколонц эса политтонафнемань ки-

зефкст ванондсазь марса членскай взносонь пандомань кизефкст мархта, а бюроть шинь повесткасонза политтонафнемать колга кизефкс и йофси ашель. А тя кизефкст йотамбак ванондомонза меле лифни пугфкс;

1. „Азомс, што политтонафнематьне молихть лафчста (Темашевас, Ирсетса, Рязановкаса), коса йотафисть тифтень, кафтонь занятия, комсоркне кржа шарф, нихть мяль комсомолецнень политической образованияснон лангс, а сяс и башка комсомолецне аф пандыхть членскай взнос (Темашевать эзга—Вишникинць 7 кофт, Рязановка—Акимовсь 5 кофт) и целайста вярэ азф организациять нень улихть шумосна членскай взносонь колга“.

Но тя нинге аф сембе. ВЛКСМ-нь Шайговань райкомсь сянь вастс, штоба вятемс эрпингень работа активть воспитандаманц колга, лезнемс сонь практической работасонза, сон ноляй администрирования, аф шарьхкодькснесазь сянь, што тяфгама решениянь нолдамась, кода: „валхтомс работаста“, „валхтомс комсомолста, сяс мес ашезе оправданда довериять“ и ст. тов. ламода сяда тьожда, чем внимательнайста чуткайста поправить ся работникть, конац нолдась работасонза эльбяткс, азондома теенза, кода машфтомс эльбятксть и воспитандамс сонь. ВЛКСМ-нь Шайговань райкомсь тьяка жа протоколть эса лифтсь решения:

1. „Азомс (предупредить) комсоркиненьди Белоглазовти, Кудаш-

кинати и мярьгомс теест штоба синь 3 шинь пингста пандолезь членскай взносонь шумоснон и вишкотемс политтонафнем атьнень и йотафнемс аккуратнайста кошти 4-сть, сатомс 100 процентнай посещаемость и таргамс аф союзнай од ломаттнень“.

Сембода пяк шарфнихть эсь лангзост мяль ВЛКСМ-нь Слобдань райкомса администрирования и командованиянь фактне. Райкомонь бюроть августть 28-це шистонь 1935 к. заседаниясонза 4 комсомолецт валхтфг комсомолста, валхтф работаста комсорг, предупреждадаф—8, максф выговор—1, и пцтай ВЛКСМ-нь райкомонь бюроть эрь решенияцадел севи аналогичнай припискаса, кода: „азомс, што к да аф пашкодьсазь тя решениять, то улихть примафт союзнай взысканиянь строгай мерат мяк комсомолств валхтомати модемс“.

„Руководствань“ тя стильсь, аф грамотнай шись мушенды оцю васта нинге ламоц райкомтнень эзга, сяс тя общностьсь сьонедла ламоц райкомтне кяшенцазь ся или лия (лифтф фактнень политической значенияснон).

ВЛКСМ-нь Шайговань райкомсь ВЛКСМ-нь членгть Киселевть колга лифць специальнай решения:

1. „С. Я. Киселев ялгать ВЛКСМ-нь рядтнень эзда валхтомс и таргамс судебнай ответственностьс.

2. Тя решениять пачатламс „По ленинскому пути“ газетать эса и ванондомс комсомольской пуромкснень эса“. А мезьса ащи тевсь

мезе эряви сявомс (извлечь) организациятненьди Киселевть тевонц эзда, тянь колга решенияса фкявок вал апак аст и нльня политический оценкавок тя тевти апак макс.

Нят сембе базобразиятьне корхтайхть ВЛКСМ-нь кой-кона райкомтнень фкяй кизефксонь ванондомать лангс ответственностьфтема мялень шарфтомаснон колга и синь работань бюрократической методснон колга. Д'коста ни улихть делэвой обсуждения и конкретнай решеният, кда райкомтне „пураськадэмосост“ заседандакшнихть. ВЛКСМ-нь Рузавескай райкомсь майгь 11-це шистонза 1935 кизоня райкомонь заседаниясонза ванондсь 10 кизефкст и сембе нят кизефкснень колга ульсь тердьфг 20 докладчикт, тьяда меле бюронь заседаниясь вятневи пустой болтовняс.

Райкомтнень материалснон эзда тяфгажа няеви райкомтнень йофси аф кирьдевомшка калдыаста мялень шарфтомасна союзть касоманц лангс. Ламоц ВЛКСМ-нь райкомтнень эса спискатнень кемокснесазь аф персональна, а целайста, кодамовок характеристикафтома. Вов кепотьксоньди Лямбирьской райкомть апрельть 11-це шистонь 1935 кизонь решенияц:

„Кульхондоськ: комсомолу при мамать колга нят ялгатьнень: 1. Плодукин Александрть, 2. Лапун Андрейть, 3. Шамет И. К., 4. Кот Сергейть, 5. Ильенко И. П.“

(Пец 4-це лопаширеса)



## САЙГИНЦЬ АРАСЬ ЗАЖИТОЧНАЙКС

Ковылкино. „Валда Ян“ колхоз-са Ежевкань вельсоветса комсомолец Сайгин Иванц инь цебарь ударник. Февраль ковти самс Вания работась конюхокс, сонь ала шанза ульсть инь справнатие. Тундань видема кампанияста, сон кармась работама паксаян / работаса.

Соньдиенза кемохаста алаша и кяряд. Сон кармась сокама. Кяряд-са сон работась мянь тятоть самс. Сон 2-3 крда пашкодкшнзе теенза максф нормат. Тятденть кизоть сон тийсь 464 трудошит. Цебарь работанкса сон ульсь ламоксть казф.

Тятденть кизоть синь колхозсост трудоштити максеть 3½ килограммат сьора. Сайгинть семьяц аф ою, аныцек ниленест сире тяряц, брадоц 14 кизоса йомла сестраняц. Сьорода сон получаь 600 трудошинкса 21 центнер, модамарьда 12 центнер, и аноклась семяцты кодама повсь перень сьорот.

Сайгин Ваниясь тани эрай зажиточнайкс. Ули траксоц, учанза, кафта тувонза и кудонь нармоненза. Вания тяттама жа стахановец велень хозяйстваса.

Кода сатозень ня сатфксень? Да станя, што васендакига сон пях старандась, кельгозе эсь работанц, цебарьста содазе эсь кярядонц, сон шуроста лоткесь таргама и ст. тов.

Комсомольской пуромксса стахановскай движениать кочксемста, Вания макссь вал, што сай кизонда сон нинге сядя пях кеподьсы эсь работанц производительностенц и ламода вельф кармай пашкодкшн-немоц теенза максф норматень.

Ваниясь нинге од, теенза аныцек 17 кизот, теенза эрайи тонафнемс. Тани сон тонафни комсомольской начальной полит. школы. Сон изь мяньде фкявок занятиё. Сонь успеваемости пях цебарь.

Лиды комсомолецненьди эрайи сьавомс кепотькс Сайгинть эзда. М. Л.

## КЛУБСЬ ЮКСТАФ

Чамзинка. Б. Ремизенка велеса ули клуб, коса заведующайкс работай Черновсь. Тяттак сон цьорась аф калдяв, ули содама шицка, работась учителькс, но калдяв ся, што сон мезевок аф тиеньди.

Кда кизефцак сонь: „Мезе работат клубса?“, тот сон отвечаь: — Мезевок аф.

Эрайи азомс, што клубсь аф калдяв, но кадф эсь отям работама, мзярдонга аф няят эсонза книгат али газетат, а стана жа аш эсонза лозунгт и плакатка.

Мес тятта? Пади кой-конат арьсхть, што Черновсь аф машты работама? Аф, работама сон машты, но сонь аш мялец работама, а содай аныцек сянь, штоба косонга симомс сьипи вельда.

Клубу рамафт фсякай лаца кни

гат, сашендыхть газетат, носинь кирьневихть аф клубса а Черновть квартирасонза, конат усксевичть кувания повсь

Ремизенкань од ломатне йорайхть культурнайста йотафтомс стак ащема пиньгсон, получамс кой-мезе клубса, лувомс газетат и стат тов, но синь аш возможность сна, сяс мес клубонь заведующайсна прокс „заняф“ эсь тевонзон мархта, а комсомольской организациясь и вельсоветсь тьян лангс ваныхть сур йоткова.

РайОНО-ти и ВЛКСМ-нь райком-ти эрайи кармафтомс Черновть работама и тьян мархта максомс Ремизенкань од ломатненьди возможность культурнайста йотафнемс эсь ваймама пиньгсон.

В. Б.

## Атказасть общественной работать эзда

Саранск. Ноябрьть 28-це шистонза мокшэрзянь рабфака ульсь пуроптф профкомть расширенной заседанияц, коза терневсть добровольной организациянь руководителхне, кода ОСО-нь, музкружоконь, ФК кружоконь, драмкружоконь и стак тов.

Тя-совещаниясь кой-кона добровольной организациянь руководи-

тельхне, кепедьксоньди: ОСО-нь руководительсь Кулаевсь, ФК кружоконь руководительсь Аверьяновась атказасть общественной теест максф работать эзда. Аверьяновась корхтай: „минь саме аф работама, а тонафнема“.

Профкомти и комсомольской организации эрайи примамс мерат. Кремень.

## Кой-кона райкомтнень работань стильсна

(Пец)

6. Дутко Мария, 7. Шестов И. С. 8. Ильенко Д. И., 9. Дутко Василий Путьск: Кемокстамс“.

Омбоце кепотькссь ВЛКСМ-нь Рузевскай райкомть бюронц июльть 19-це шистонза 1935 к. путфксц. „Кульхондоскь приемочнай комиссиять 18/VIII-це кизонь протоколонц кемокстаманц. Путьск: приемочнай комиссиять 18/VIII-35 кизонь протоколонц кемокстамс“. А инь кемокстамс протоколса атак аст фкявок вал. Тяттама фактта лама и Мордовиянь лия райкомтнень эзганга. Комсомольской руководителхнень комсомолу примамать лангс тяттама безобразнай мялень шарфтомасна ейти сяньди, што организацияв тьождаста ули кода повомс аф прокс проверяф ломатненьди, и тяттама мялень шарфтомась йофси аф кепсеви комсомолу сувама факитть значенияц одс сувайхнень инголе.

Тятта жа ВЛКСМ-нь лама райкомтне ашезь шарьхкодь сянь, што протоколонь и бюронь реше-

ниянь лац вятемсь и сформлениась — аф формализм. И напрасна ВЛКСМ-нь райкомонь кой-кона руководителхне аф макссхть значения нят теест арам „мелочненьди“, кода протоколонь и райкомонь бюрснь решениянь вятемась и оформлениась. Нят „мелочнень“ эса няеви ламоц ВЛКСМ-нь райкомонь секретарьхнень „комсомольской хозяйствать“ лангс, организационнай кизефксень лангс, тевонь техникать лангс отношениясна и сяс минь мушендатама тятевса пях лама аф сатыкста.

Вов факт ВЛКСМ-нь Темниковскай райкомонь бюроть заседаниясонза, коса протоколть аш №-ц и вообще протоколхненьди аф путневихть номерхт. Али вов решения коса сьормаздыть „максомс сатомшка учебникт и сьормадомат принадлежностть сембе кульхондхненьди“, а кие отвечаь тятевть инкса, кода сон тиёмс тьян колга аш фкявок вал.

Али вов омбоце кепотькссь ВЛКСМ-нь Шайговань райкомть бюронц октябрьть 26-це шистонь 1935 к. заседанияц решенияц, ко-са Никулинть колга путьск: „Ни-

## Васень аськолкст

Минь эрафоньке стама, што кеподи седице морама. Эрат и морамца сай. И тьян колга корхтайхть стихие иморотне, конат эршина сайхть редакцияв комсомолецнень, комсомолкатнень, од цьоратнень и стирьнятнень эзда. Тяттама сти-хт и морода сашенды афиржа.

Мезень колга йорайхть морамс и морайхть минь цьоранене и стирьнеке: Тематные стихнень и моротнень эса аф фкят, но сембе синь корхтайхть фкянь колга: кодама цебарь тиеви эрай! Ванфтомс тят од эрайфть станя, кода, эсь сельмо-цень!

Вов сьормадь Ельмеев Гришась:

Аятт—бабат

Марстонь эрайфть шнасазь.

Топодь пексна,

Лашнай кишисна лама.

Атясь корхтай:

—Вийзе, кода одонь,

Нинья лама

Трудошит тийхтяма. (стих.

„Колхозу“).

Колхозонь тематикась, колхозса работамась, колхозонь ударникне стихнень и моротнень эса заньцихть пцтай васень вастть. Тят пях цебарь. Тьян колга эрайи морамс и лацкас. Вдь цебарь, радостнай эрайфть колга и эрайихть цебарь стихт и морот. А кда найсак и марьясак, што цебарь тевть колга эрайи морамс, то эрайи тонадомс лацкас морамонза. Кда аф маштат, эста цебарьткья морасак калдяв-ста.

И вов самай морама афмашто-мась и кярэзень пцтай сембе стих-нень и моротнень, конатнень колга мон и йоран сьормадомс. Сяв-сась Ельмеев ялгать сяка жа стихонц „колхозу“ Ниленькомоньшка строчкаса сон тьярфнесь азомс атя-ть и бабать марнек сембе эрай-снон, васень пингова колхозть лангс аф лац ваномаснон и аныцек мекольдень валхнень эса азозь, што... Вдрук, бта апак учсек, атясь и бабась арасьть аф аныцек колхозничокс, но и пях цебарь колхозничокс, а сонь атясь бта од-кстомсь и корхтай:

„Вийзе, кода одонь,

Нинья лама

Трудошит тийхтяма.

Ельмеев ялгать стахоц лиссь аф кода художественнай произведение, а схема, кода русне мярьгихть. Стихть эса ирьхкст“) улихть, а содер-

(\* ирьхкст—ирьдест (ребрат)

жание, тевонь, эрафонь художест-веннай няфтема (показ) аш.

Тяка жа урмась керозь Шумкин ялгать стихонц. Сон йоразя няф-темс ударник-колхозникть. Но сонь стихоц нинья сядонга тапаряф, афваномок сянь лангс, што темакс сьавф конкретнай, фкя ломань. Стихса тевть колаза ся, што Шум-кин ударникть колга мезевок ашезь корхта. Корхтась сон сембонь колга, но ударникть и сонь тевонц ашезя няфтя. Вов стихсонза йомб-ка пакшия, кона пях характернай сембе стихти:

„Тятдя сьора лама шачи

Паксаяв кирьдсась сембе лозть

И минь пеконька аф вачи

Мес кулхонцась агрономть,—и тяттама общай валса пашкодф сембе стихсь. Сяда башка, кода морафтысь найсы, кьяльсонзонга пях лама эльбядькста, цьорась лац аф содасы мохшень литературнай кяльть. Сон сьормадь аф тятдя, а „Тятдя“, сьора лама шачи, эрайволь „сьорода лама шачи“, фкя валсонза тийсь кафта эльбядькст. Мар-нек стихть эса кафта точкат и аш фкявок запятой.

Кялень афсодамась няеви и лядикс стихнень эздонга, конатнень кучезь Ельмеевсь, Чекашкинц, Ликиновсь, Купцовсь и лиятне. Пях кржа валдост. Ков аф шарихть валсна сакот, образфотп.

Купцов ялгась эсь „сьоксь“ стих-сонза тьярфни максомс образт.

„Сьормав паксаяв лангста аф няят

Парьхчикс ащи розень прят“...

Шуфтнень преста туюя лопась

Либордозня алу прай“... и ст. тов.

Тяса улихть, хоть аф пях, но цебарь образт. Но Купцовть ули мя-лец ласкхондемс образонь мель-га и кодама тязя пов образ, но кундамс. Вов:

„Менельть эзда карьксонс пиземсь

Сокаф модать пачк сувай“.

Можна нинья мярьгомс, што пи-земсь карьксонс таргавсь менель-ста, но вдь карькссь модати аф сувай, кда тонь аф калмасак.

Художественнай произведенийсь сяс и кирди лем „художественнай“, што сон валса, нюрхкяняста, но кемоста и точнайста морафтыти максы картина. А мохшень кяльть эса образа сьняра, мзяра тейть эрайи, аныцек эрайихть синь мумс и путомс тоза, коса синь вастсна.

Вантф стихнень и моротнень эса аф сембе васттне калдяфт. Кой-кона васттне пях цебарьхть и синь лангзост ваномок можна мярьгомс, што цьоратьне тонадыхть цебарь стихонь сьормадомат и кар-майхть морама эрафоньконь лац. Минь надиятама лангзост.

Афсатыксне и эльбяткксне, ко-нат няфтьф и апак няфтьть статья сонок, машфовихть тонафнез. Эрайи лама тонафнемс, кода тят-темс цебарь стих, цебарь мора. Но тьян эзда пелемс аф эрайи. Тев-лиси тонафнез и работазь.

Сяда башка, штоба содамс лац-кас эсь кяльцень, эрайи кулхон-домс, кода эсонза корхтай народсь. Эрайихть лувондомс мохшень пи-сательхнень и поэттнень произве-денияснон—Безбородовть, Левча-евть, Бебанть, Вигардонь и лият-нень. Синь ули кяльть и произве-дениятнень лангса работамань опытна.

Редакциясь эсь ширьденза кар-май максом лезкс одс ушедкшни поэттненьди и писательхненьди, сяд-да кенерьф стихнень кармай пе-чатлама „Комсомолонь Вайгальть“ страницас.

Алексей Карасев.

Отв. редакторсь Ф. С. РУСЬКИН

Уполномоченный главшта № 1793. Тираж 2052. Заказ № 3551.

г. Саранск тиз. „Крася. Октябрь“ Мордгиза